

 BIBLIOTHECA UNIVERSITATIS VIENNAE	585499 -
	- 585500 <i>kal. komp.</i>
	1





585599-
-585500


Mag. St. Dr














Mathesis.

*Brasconi, Ioan. Epistolae ad notu-
ram ordinalium figurarum
plenius intelligendam pertri-
nentes. Crac. 1615.*

Maten N 271

EPISTOLÆ

Ad naturam ordinatarum figurarum plenius intelligendam pertinentes.



CRACOVIAE,

In Officina Andreae Petricouii S. R. M. Typographi, Anno D. 1615.

*Adm. J. R. D. Joanni Rydow
Collegi. maiori. Dni. et. Rectori.*

JOANNES BROSCIVS

Curzelouiensis

Clarissimo D. ADRIANO S. D.



Apientiae maiestas ea est, ut suos cultores quos sola etiam fama cognouimus admiremur, & quamuis nunquam visos animo tamen, qui locorum legibus non teneatur, quasi praesentes complectamur. Id sanè mihi quoque in te virorum clarissime suspiciendo & amando, sorte quadā diuina obtigisse video: cuius enim nomē solum eruditionis gloria sat augustum inaudiui, statim eum erga animi cultum & amorem concepi, ut licet vultum cernere his oculis necdum licuerit, ingenium tamen tuum Mathematica laude clarissimum, ita subinde amplectar, & literas illas reconditas exosculer: ut felicem me fore sentiam, si amicitiae tuae tesseram nactus, quod erga te studium concepi, prolixissima etiam voluntatis significatione contestari possim. Cuius rei primum veluti argumentum, has ad te meas literas esse volui: ex quibus intelligeres te, cum ex multorum doctorum & magnorum virorum sermonibus, tum ex librorum quoque monumentis, partim per te editis, partim augusto nomini tuo consecratis, à me non solum amari, sed

EPISTOLA IO: BROSCII.

etiam honorari plurimum, virtutis & ingenii causa. Quæ duo apud Illustrem & Magnificum D. Thomam Zamoycki, Heroem antiquis illis iure merito comparandum, dignumq; magno illo parente filium, tantum effecerunt, ut dum supra ætatis etiam annos, vniuersum scientiarum orbem lustrare animo constituisset, vel te potissimum delegerit, quo ceu mystagogo ad recondita mathematicum mysteria rimanda vteretur: & quem suum Coryphaum in illis Geometrarum doctis pulueribus emetiendis (qui suæ celsitudinis ardor in literas incredibilis est) ac si numen quoddam Euclidean sequeretur. Id postquam & ego Mathematicum ab ineunte ætate studiosus didici, dictu sane est incredibile, quantam animo conceperim latitiam: idq; eo magis quod sperem te sub hoc frigidiore cælo. viuentem, ingenio tuo patriam nostram illustrare, literisq; tuis, ac præclaris illis in Geometria conatibus, Reipublica nostræ fructus vberrimos afferre posse. Quo fit, ut ex animo tibi gratuler. ac Deum Opt: Max: rogatum velim; faxit ille sapientia parens, ut postquam præclarissimo Heroi Zamoscio regiam illam ad Geometriæ usum viam, quam Ptolemæus in Euclide requirebat, digito quasi monstraueris, nostræ Nobilitatis animos excites ad exercendum hæc studia, Regibus olim magnisq; Dynastis

EPISTOLA IO: BROSCII.

nastis in deliciis habita. Putant enim nonnulli subtilitatem potius in præceptionibus Geometricis quàm utilitatem reperiri, & propterea in Academicis ieiunas tantum præceptiones doceri falso autumant. At Græci olim reconditum illud de duplicando cubo Deliacum problema, ad Academiam Platonis detulerunt, indeq; non demonstrationem tantum, sed demonstrationis etiam utilitatem retulerunt. Quamobrem Euclidem cū Archimede, hoc est, artis veritatem cum utilitate nostris relinquito; fuerit hoc ære perennius tui ingenij apud nostræ gentis homines monumentum: nos verò Adrianum Romanum, ceu quendam Platona venerabimur, quòd apud Sarmatas etiam Geometriæ lucem ex suo addiderit. Sed illud quoq; haud leue est quod à te impetratum velim: potes enim pro tua singulari prudentia & humanitate id efficere. Contentio illa magna inter duos præstantissimos Mathematicos, Origanum & Maginum, te nō latet. At quantula res de qua digladiatur? Possæt hæc controuersia tota breuissimè aliquot verbis ex Ptolemaeo & Copernico facta collatione definiri, nunc volumine singulis opus est, ut suam sententiam probent. Obsecro te mi Adriane, propone tibi istud negotii, ut ad utrumq; scribas, utriusq; arbiter esse velis: indignum enim est Mathematicos tam præstantes, de

A 3

re tam

EPISTOLA IO: BROSCII.

re tam exigua contendere. *Ætate patrum nostrorum fuerunt multi præstantissimi Mathematici, qui coniunctissimè vixerunt: cur non & illi? quàm iucundum est legere raram illam animorum coniunctionem Purbachij & Regiomontani, præceptoris & discipuli! At Regiomontanus præceptoris sui candorem imitatus est, nam Bernardo Valthero ciui Norimbergensi ceu Mathematicum legitimo successori, totam suam supellectilem Mathematicam testamento legauit. Quid Copernicum, Vernerum, Rheticum, Rheinholdum commemorem? quid Tychonem & Rothmannum? quid alios plurimos? quorū animos quantumvis locis disitis, eadem studia coniunxerunt: neq; illa studiorum æmulatio vnquam ad animorum contentiōem degenerauit. Mathematica abstractio mentem totam occupans, linguam illis adimebat. Ergo quantum potes contende, vt abiecto hoc contentiōum studio, Mathematicum potius puluerem exerceant: nam ἀγνοῦντες πῶς certitudinem omnem Mathematicam in dubium vocabunt, vbi viderint ipsos etiam artifices secum non conuenire. Est & aliud quod tanto libentius tibi propono, quanto certior sum ex Sneliana præfatione, te Logicæ Methodi studiosissimum esse: neque dubito gratum hoc tibi futurum: omnes enim Philosophico animo præditi,*
libenter

EPISTOLA IO: BROSCII.

libenter alios docent, præsertim cùm agitur de
 præceptorum certitudine. P. Ramus lib: 4. sua
 Geometriæ ex antiquissimorum Geometrarum
 sententia proposuit hoc elementum: Ex Isoperi-
 metris homogeneis ordinatius est maius, ex hete-
 rogeneis ordinatis terminatius: in explicatione au-
 tem elementi addit; ordinatius in theoremate in-
 telligatur pro minus inordinato: sic triangulum
 æquilaterum erit maius isoperimetro inæquilate-
 ro, & æquicrurum vario. Atqui hoc posterius non
 est καὶ θὰ παντός: nam si proponantur duo trian-
 gula, quorum unum æquicrurum habeat latera
 10. 20. 20. alterum verò varium 19. 26. 11. ma-
 nifestum est per Geodæsiam trianguli hoc maiora
 rem capacitatem habere, nimirum 102. $\frac{96}{205}$. quàm
 illud licet sit æquicrurum; habet enim tantum
 86 $\frac{152}{173}$. Addendum est itaq; aliquid theoremati,
 ut sit καὶ ὁ λᾶπρῶτον. Quamobrem quæ sit tua
 in hoc theoremate sententia, mihi perscribas quæ-
 so, gratius hoc studioso Mathematicum, nihil face-
 re poteris. Sed iam epistola genius non fert, ut te
 alloquar longius: hac amorem & honorem in
 te meum apud te quæso pro me loquatur, quan-
 do id tibi coram, vultu, oculis, lingua, officio
 quoq; dum Cracoviæ apud nos esses, testari non
 licuit. Tu amantem si amaveris Mathematicasq;
 illas

EPISTOLA IO: BROSCII.

*illas musas (quod per communem earum salutem oro) ut feliciter hætenus faciebas colueris , excitabis plurimos unà mecum nostri ordinis homines , ad te magis ac magis amandum , addes quoq; animum maiorem ad Diuas hæc Mathe-
matici studii præfides indefesso animo colendas , ex quibus iam te non dubia immortalis præmij gloria manet. Quod reliquum est , vale ac vive
ibi feliciter, nosti. J. Zamoscio sis ô utinam alter
Archimedes. Crac: 1. Octob. 1610.*

ADRIANVS ROMANVS
IOANNI BROSCIO S. P.

ANte aliquot menses tuas accepi literas
omni humanitate refertas, ad quas ta-
men prout decuit non respondi: cau-
sam facile intelliges. Professio gemina me totum
occupat, cumq; omni librorum destituar subsidio,
necessum est studio id compensare. Accedit Ho-
rarum Ecclesiasticarum recitatio, debilitasq; va-
letudinis; qua me toto pomeridiano tempore ab
omni auertit studio. De hisce satis.

Duo potissimum à me petis; prius est, ut litem
eam qua inter Origanum & Maginum est com-
ponam; alterum est, ut dubium circa Rami the-
orema soluam.

Quod ad prius attinet. Inprimis ego me suffi-
cientem minimè iudico, ad litem inter eos excita-
tam componendam. Viri namq; ij toto vita tem-
pore in secundis sese exercuerunt motibus; ego
verò qui nihil illis secundis motibus incertius iu-
dico, ab ijs abstinere & certioribus rebus me da-
re, interim illorum qui hisce delectantur frui la-
boribus statui. Accedit quòd dubitem an lis sit
componenda. Etenim ubi amulatio, ibi dili-
gentia. Et certè Origani censura non parum pro-
fuit, cum aliàs nunquam Maginus suos licèt
B
leuiuscu-

EPISTOLA ADRI: ROM.

leuiusculos animaduertisset errores; uti & vice-
uersa censura Magini nobis exhibuit correctio-
nem errorum supputationis Origani. Contentio
ubique artes promouet; quod in Astronomia, po-
tissimum verò in secundis motibus quàm maxi-
mè requiritur.

Quod ad alterum caput attinet: D. V. rectè
Ramum accusat, non quidem in theoremate, sed
in explicatione.

Theorema hoc est. Ex Isoperimetris homo-
geneis ordinatius est maius. *Id bene.* In expli-
catione inquit; Ordinatius in theoremate intel-
ligatur pro minus inordinato. *Id bene.* Sic tri-
angulum æquilaterum erit maius Isoperimetro
inæquilatero. *Id bene.* Et æquicrurum vario. *Id
male.* Si ergo textus ita habeat (ego enim hîc
nullos habeo libros) nullo excusari potest modo.
Varium enim plerumq; ordinatius est Isoscele.
Quid igitur per ordinatius aut minus inordina-
tum sit intelligendum, id apertius definiendum
erat Ramo. Quare ordinatorum dabo proprie-
tates, ex quibus id facile poterit declarari.

I. Figurarum illa est magis ordinata, cuius
maximum latus ad laterum differentiam maxi-
mam, rationem habet maiorem. Item, maximus
angulus ad differentiam angulorum maximam,
rationem habet maiorem, adeò, ut si rationem
habeat

EPISTOLA ADRI: ROM.

habeat infinitam, ea sit absolute ordinata.

2. *Figurarum illa est magis ordinata, cuius perimeter circulo circumscripta ad radium circuli, minorem habet rationem. Hac conditio vera quidem est, sed non ita uniuersalis; neque enim omnis figura est circulo circumscriptibilis: Si tamen circumscriptionem lato modo accipere velimus, ita ut non sit necessarium omnia latera tangere; iudicauero statui posse uniuersalem.*

Sed priorem descriptionem accommodemus Isoperimetris. Dico ergo secundum Ramum. Ex duobus Isoperimetris homogeneis id quod est ordinatius (hoc est cuius maximū latus ad maximam laterum differentiā, maximusque angulus ad maximam angulorum differentiam rationem habet maiorem) id etiam esse maius.

Vides ergo ordinatius esse non est duo latera habere æqualia, vel omnia habere inæqualia, sed excessus laterū & angulorum spectandi sunt. Examinemus iam triangula à D. V. proposita. Est Isosceles cuius latera 10. 20. 20. Est scalenum in quo latera 19. 20. 11. In priori ratio lateris maximi ad differentiam maximam est 20. ad 10. in altero est ut 20. ad 9. Ratio hæc posterior est maior, ergo triangulum posterius est ordinatius.

Verum sumamus & alia exempla, in quibus

EPISTOLA ADRI: ROM.

seruata aequalitate angulorum, spectemus inaequalitatem laterum, vel contra seruata aequalitate laterum, spectemus inaequalitatem angulorum. Id in triangulis, ut patet, fieri non potest. Sumamus ergo sexangula.

Sunto sexangula equiangula, quorum perimenter partium sex.

Quous verò latera alternati u supra sint æqualia atq; adproximum habeant rationem quam	1. ad 1.	Tunc latus maximū ad maximum differentiā laterum est.	infin.	primum. secundū. tertium. quartū. quintū.
	5. ad 4.		5. ad 1.	
	4. ad 3.		4. ad 1.	
	3. ad 2.		3. ad 1.	
	2. ad 1.		2. ad 1.	

Vnde patet primum sexangulum esse absolute ordinatum, ultimum valde inordinatum, intermedia verò ordine ab ordinato defletere magis magisq;. Vnde etiam area eodem se habet modo. Etenim.

Area Sexanguli	Primi	est partium	2.	5980.
	Secundi		2.	10000.
	Tertii		2.	5873.
	Quarti		2.	10000.
	Quinti		2.	5803.
			2.	10000.
			2.	5634.
			2.	10000.
			2.	5020.
			2.	10000.

Apparet hñc areas cõtinuo decrescere.

Sunto iam sexangula æquilatera, quorum perimenter partium sex.

Anguli

EPISTOLA ADRI: ROM.

Anguli porrò quivis alternatim ſūpti ad ſibi proximos. rationem habeant quam

1. ad 1.	} Tunc Angulus maximad maximā differentiā angulorū eſt	inſinit.	} Primū. Secūdū. Tertiū. Quartū.
7. ad 3.		7. ad 2.	
2. ad 1.		2. ad 1.	
11. ad 4.		11. ad 7.	

Area ſexanguli {	Primi.	} eſt partium.	{	2. 5980.
	Secundi.			2. 4936.
	Tertij.			2. 7928.
	Quarti.			2. 8345.
				10000.

Haecenus luſimus in figuris quæ vno membri genere ordinatae ſunt, ſi liberet proponere figuras utroque genere membrorum inordinatas, maius adhuc perciperetur diſcrimen. Quinimò ſi non alternatim angulos vel latera ſtatuamus in ratione equalitatis, maximum inueniemus area decrementum, uti apparet in ſexangulo ſubſcripto æquilatero parallelogrammo, cuius perimeter eſt partium 6. Anguli verò obtuſi ad acutos rationem habeant quam 19. ad 2. Sed iam luſum eſt ſatis. Ex hiſce veritatem propoſitionis colliges ſatis. De reliquo ego me meaq; omnia D. V. commendo.

Iucundiſſimam poſtea Clariſſimi Domini ADRIANI ROMANI Craconia dierum aliquot conſuetudinem nactus ſum; ideoq; ſequens Epistoſa, præcedentis nullam facit mentionem.

IOAN.

❦❦❦❦

J O A N N E S B R O S C I V S
A D R I A N O R O M A N O S. P.

Hæc accidit ut iam currum conscenderet qui has reddit, dum mihi nunciatur esse quendam qui Zamoscium proficiscitur: ego tamen nolui illum absq; meis ad Clarissimam Dominationem Tuam venire. Quoniam itaq; ut Poëta inquit.

Prospera lux oritur linguisq; animisq; fauete :
Nunc dicenda bono sunt bona verba die.

Ego quoque sub anni istius noui principium precor, ut Deus opt: max. nobis diu incolumem clarissimam T. D. seruet. Hoc præcipuum vortorum mihi erit semper, dum Mathematica studia tracto, tractabo autem dum viuam: ad que feliciter tractanda magno adiumento mihi fuit clarissima T. D. Viam enim indicasse maximus profectus est. Arithmeticam illam, cum fractionibus, que vulgari numeratione citra tedium al soluntur, ita plenè didici, ut radicum etiam extractions mihi iam familiares ficerim. In Algebra multum more facit varietas denominationis numerorum figuratorum, sed hos scopulos labor, si Deus peranserit, superabit. Illud admirandum est, in numeris figuratis multas dimensiones fingi, cum natura tres tantum admittat,

EPISTOLA IO: BROSCII.

admittat: memini autem quoddam Clarissime
D. T. dictum de denominationibus omnibus fi-
guratorum reuocatis ad radicem, quadratum, cu-
bum, quod magnum esset compendium. Et Bu-
teo simile quiddam tentauit, verum non admo-
dum plena tractatio est, docet enim quid produ-
catur ex multiplicatione lineæ in quadratum, nō
docet quid proueniat ex multiplicatione quadra-
ti vel cubi in quadratum vel cubum. De trian-
gulis Lansbergi semper in manu habeo, ita præ-
bis quæ nunc suasi Claris: D. T. tracto, priora il-
la, quibus tot annos insumpsi, videntur apina, tri-
ca. Vellem autem quamprimum videre Trian-
gulorum doctrinam Claris: D. T. Nam quod
ille de suo Mecenate dixerat, ego de Adriano meo
præceptore:

Et spes & ratio studiorum in Cæsare tantum.

EVIDAM S. P.

EGO verò IUSTI LIPSI de ADRIA-
NO ROMANO iudicium Excellentie
Tue mitto, quod si placet ostendat ijs, qui re nō
bene perspecta iudicant. At etiam si tantum elo-
gium, tantus vir, de tanto Mathematico nunquā
scripsisset, iudicasset posteritas è scriptis, neq;
ingenium neq; industriam in Geometrico puluere
Romano defuisse. Et certè pudor sit istis iudi-
cibus,

IUSTI LIPSI CAR.

cibus, de illius ingenio indicare, cuius opera nunquam legerint, ac ne viderint quidem. Valeat.

IUSTVS LIPSIVS,
ADRIANO ROMANO.

ROMANE ingenio potens & arte,
Mensurator itémq; calculator,
Euclides cui vix vel Archimedes
Se componeret: euge, te beatum
His nouis simul & laboriosis
Inuentis: quibus & queas arene
Metiri cumulos, & astra cœli;
Et quidquid numeros fugit modosq;
Sub tuos numeros voces modosque.
O mens ignea perge, teque tolle
Fame pennigero leuata curru
En priscos super & super nouellos.


E Methodo Polygonorum.



BIBLIOTHECA UNIV



LEUENENSIS



*natusq. de Dialecta Brosciana, epistolae
1675.*

IOANNES BROSCIVS CVRZE-
LOVIENSIS, ACADEMIÆ CRA-
COUIEN. Ordinarius Astrologus.
Lectori S.

Reverendus Dominus IOANNES RYB-
KOVVICZ, Collega Maior in Academia
Cracouiensi, pro suo in me artesq. Mathematicas
amore, dedit mihi perlegēdas Reuerendissimi D.
Tidemani Gisii Episcopi Varmien. epistolas, qua-
rum plurimæ ad Copernicum absolute subtilita-
tis Mathematicum sunt exarata. Legi auidè,
unamq. reperi plenam querimoniam, propter opus
Reuolutionum, prima editione mala fide publi-
catū. Eam nunc Lector accipe: alias Frueburgo
reuersus, si Deus vitam concesserit, dabo. Vale.

Georgio Donnero.

Conturbauit me, quod de afflictā valetudi-
ne Venerabilis senis nostri Copernici scripsi-
sti. Huic ut vita incolumi solitudinem amauit,
ita nunc agrote paucos extare familiares arbi-
tror, qui casibus ipsius afficiantur, cum omnes si-
mus illi propter integritatem & excellentem do-
ctrinā debitores. Scio autē eum semper in fidis-
simis habuisse te. Oro igitur, si ita fert fortuna
illius; velis tutoris ei esse loco, & curam viri,
quem mecum semper amauisti, suscipere, ne in
hac necessitate destituatur fraterna ope, & nos
ingrati erga bene merentem habeamur. Vale.
Lubavia die 8. Decemb. Anno 1542.

D

Ioachi.

Ioachimo Rhetico.

EX nuptiis Regiis Cracovia rediens, reperi Lubauia geminum à te missum exemplum recens excusi operis nostri Copernici, quem è viuis excessisse, non ante acceperam quàm Prussiam attigissem Erepti fratris viri summi dolorem, lectione libri qui illum redhibere mihi viuum videbatur pensare potuissem, verum in primo limine sensi malam fidem, ac ut tu verè appellas, impietatem Petreij, quæ indignationẽ mihi priore maiestitia atrociorẽ refudit. Quis enim non scrutietur ad tantum sub bonæ fidei securitate admissum fugitium? Quod tamen haud scio an non tam huic excusori ex aliorum industria pendenti sit tribuendum, quàm inuido cui-piam, qui dolens decedendum sibi esse à pristina professione, si hic liber famam sit consecutus, illius simplicitate in deroganda operi fide forsitan est abusus. Ne tamen impunè ferret, qui se concessit alienæ fraudi corrumpendum, scripsi ad Senatum Noribergensem, docens quid ad integrandam auctori fidem necessarium mihi videretur. Epistolam ad te mitto cum ipsius exemplo, ut pro re nata diiudicare queas, quem in modum sit instituendum negotium, nam hoc qui apud Senatum illum agat, te neminem video accommodiorem aut etiam volentiorẽ, qui Choragum egisti peractæ fabulæ, ut iam non magis Auctoris interesse videatur quàm tua, restitui quæ à recto dilapsæ sunt. Si quid tamen refert, te ut
id quam

id quam diligētissimè efficias vehementer rogo.
Si recudendæ venient priores chartæ, affigenda
videtur à te præfatiuncula, qua etiam ea quæ
iam emissæ sunt exemplaria à calumniæ vicio
repurgentur. Quin optem etiam præmitti vi-
tam Authoris, quam à te eleganter scriptam o-
lim legi, nec deesse historiæ aliud puto nisi exi-
tum vitæ, quem ex sanguinis profluvio & sub-
secuta dextri lateris paralysi nono Kalen: Iunij
accepit, multis ante diebus memoria & vigore
mentis destitutus, nec opus suum integrum nisi
in extremo spiritu vidit, eo quo decessit die. Id
ante mortem excusum exiisse nihil obstabit, nā
annus consentit, & diem finiti operis non adscri-
psit excusor. Vellem adnecti quoq; opusculum
tuum, quo à sacrarum scripturarum dissidentia
aptissimè vindicasti telluris motum. Ita explebis
iusti voluminis magnitudinem, & compensabis
id quoque incommodi, quo in præfatione operis
præceptor tuus tui mentionem omisit. Quod e-
go non tui neglectu, sed lentitudine & incuria
quadam (ut erat ad omnia quæ Philosophica nō
essent minus attentus) præsertim iā languescen-
ti evenisse interpretor, non ignarus quāti facere
solitus fuerit tuam in se adiuvando operam &
felicitem. Quod ad me misisti operis exempla,
magnam habeo donatori gratiam, erunt hæc
mibi monumenti perpetui loco ad tuendam me-
moriā, non solum authoris, quem ego charum
semper habui, sed etiam tui, qui ut te illi labo-

ranti Theſeum ſtrenuè præſtiteras, ita nunc nobis, ne conſecti operis fructu careremus, cura & ſolicitudine tua contuliſti. Pro quo ſtudio tuo quantum tibi debeamus omnes, non eſt obſcurũ. Cupio me facias certiorẽ, ſitnẽ ſummo Pontifici liber miſſus, nam ſi factum non eſt, vellem ego id officium præſtare deſuncto. Vale. Lubania die xxvj. Iulij. Anno 1543.

EPISTOLA DEDICATORIA
ex Iudicio Astrologico Alberti
Caprini Buccouienſis deſumpta.

*Reuerendiſſimo in Chriſto Patri
& Domino,*


DOMINO SAMVELI MACIEN-
IOVSKI, DEI GRATIA EPISCO-
po Plocen. ac Procancellario Regni Po-
loniæ, Domino & Mecœnati ſtudi-
oſorum Benigniſſimo.

*Albertus Caprinus Buccouienſis, humiliter
ſeſe commendat.*

T*Vam illam ſummam Reuerendiſſime Anti-
ſtes in rebus perſpiciendis prudentiam, &
moderandis aequitatem & agendis induſtriam,
cum maximis omnis generis ornamentis coniun-
ctam, nunc publicè tantò impenſius extollo atq;
veneror, quanto ad merita illa tuæ amplitudi-
nis maior indies authoritatis acceſſio increſcit
augeturque. Rex enim Sereniſſimus atque
inuiſiſ-*

inuidiſſimus Princeps pro ſua præclara pruden-
tia, & abſolutiſſima rerum experientia iu-
dicioq; non contentus ad id muneris Reipublicæ
Reuerendam Paternitatem tuam magna cum
laude honoreq; ipſius euehere, in quo rerum ſum-
ma & totius Regni cardo vertitur: nouis ſubin-
de, iſſq; maximis Celſitudinem tuam ornat hono-
ribus, quo magis omnibus ſpectatam reddat, ex-
cellentem tuam virtutem & in Rempublicam
fidem. Itaq; nemo eſt ampliſſime Præſul, qui ne-
ſciat honores iſtos virtutis tuæ eſſe præmia di-
gniſſima. Nemo item eſt qui non iſtas virtutes,
merito amet ſuſpiciat atq; veneretur, præſertim
cū intelligamus omnes ad communem Reipub.
utilitatem dignitates iſtas in tuam collatas am-
plitudinem ex æquo pertinere. Quare cū &
ego, hæc noſtra in quibus verſamur ſtudia: ali-
quantulam Reipub. eſſe partem cenſeam: &
meipſum quoq; Celſitudini tuæ & inſinuatum
& deditum oſtendere vellem: quod vnum per
fortune modulum potui, leuidentiſe hoc munu-
ſculum, impar quidem magnitudini tuæ, ſed nō
ingratum ut arbitror, ſtudiorum meorum pri-
mitias, Prognosticon nempe ſeu iudicium ex ſtel-
larum decretis appellare libet, tibi nuncupandū
duxi Præſul Ornatiffime quo animi mei prom-
ptitudinem & alacritatem erga tuam prudenti-
am interim teſtarer. Vtinam autem facultate
id poſſem, quam voluntate facio certè promptiſſi-
ma. Quare tua prudentia me & hoc genus ar-

tium fauore & patrocínio tueri dignetur oro.
Quo Cracouia nullum habet ornamentum præ-
stantius: hæc enim vrbs fouit viros summis in-
genijs præditos qui has disciplinas tum propaga-
runt, tum illustrarunt, quorum multi hisce tem-
poribus satis iniquis decesserunt. Ex hoc enim
Gymnasio multi Mathematica hauserunt qui in
Germania magna cū laude & emolumento stu-
diosorum eadem profitentur, quorum honoris
gratia, nomino Nicolaum Copernicum Canonici-
um Varmiensē qui huius vrbs olim hospi-
tio vsus est, & hæc quæ scripsit in rebus Mathe-
maticis admiranda, plura etiam edenda institu-
it, ex hac nostra Vniuersitate ceu ex fonte pri-
mum accepit. Id quod ipse non solum non diffite-
tur (benignum esse & plenum ingenui pudoris
Iudicio Pliniano existimans, profiteri per quos
profeceris) verum hoc quicquid est totum no-
stræ fert acceptum Academia. Dominus igitur
Iesus diu te nobis seruet incolumem. Cracouie
27. Septemb. Anno Christi 1542.



IN PTOLEMÆVM ET CO-
pernicum duo naturæ miracula,

IOANNIS BROSCII CVRZELOVI-
sis Epigramma,

Frueburgo loco obseruationum Co-
pernici consecratum.

Nile tuum iactas Ptolemæum, nosq; fatemur
Ornamenta tibi hunc magna dedisse virum.
Nam tua Syntaxim construxit ad ostia magnam
Cœlestes numeris exposuitq; vias.
Laude Copernici qui Vistule ad ostia terram
Mouit, adequat se Vistula Nile tibi.
Sume paris socium laudis, quid Nile recusas
Si, quò te iactas, iam Ptolemæus habet ?

Aliud eiusdem argumenti.

Nile quid ob Dium Ptolemæum despicis omnes
Terra patens fluuios quòt modo cunq; gerit ?
Nam mea cœlestis Ptolemæus ad ostia (dicis)
Magne Syntaxis grande parauit opus.
Ast ô Nile tuæ compar iam laudis habetur
Istula, quæ septem fusa trione fluit.
Huius enim ad riuum mens illa, Copernicus, alta
Immotam ad numerum currere fecit humum.
Quod si te nomen Ptolemæi detinet : istum
Si bene peruideas, fors Ptolemæus erit.

Coper-

Copernicus de seipso.


ME genuit Torunna, Cracouia me arte poluit,
Inter habet primos Varmia clara patres.


Cyclo Lunæ 4. Solis 3. Indict: 1.





















Biblioteka Jagiellońska



stdr0034526

